

頤  
綵  
堂  
詩  
鈔

頤綵堂詩鈔序

自嚴滄浪論詩曰妙悟曰入神後人不喻神悟之所由致  
輒曰詩以道性情何必博聞於是率臆點筆空疎鄙俗之  
不免而曰吾性情存焉爾此竹垞朱檢討之所深斥也顧  
吾觀嚴氏之說謂詩有別材非關書也詩有別趣非關理  
也然非多讀書多窮理則不能極其至是雖嚴氏又何能  
廢書哉檢討嘗自言所得亦曰予中年好鈔書通籍以後  
集史館所儲京師學士大夫所藏書必借錄之歸田以後  
鈔書愈力暇輒瀏覽恆資以爲詩材於是緣情體物不復  
若少時之隘蓋詩之不易爲若是吾郡前輩言詩多宗竹

坳若 司勳沈先生其尤著已先生少負異秉讀書數行俱下博涉彊記爲文辭筆不停綴先文端公一見器異呼爲小友目爲行秘書晚年經進之作多爲商榷先生卽從受詩法其後奏賦

行在授官通籍尋登第職清要一旦望雲有思乞養遽歸奉母登大耋居平鍵戶讀書足不入公府鄉黨言質行者必歸先生會

朝廷屢舉特科復

詔求遺書於天下東南故家奇文僻籍往往間出先生多從甄錄或句借手鈔寒暑不輟儲藏之富幾與曝書亭八

萬卷著錄相埒於是傾液漱潤發爲文詞浮英華湛道德  
泐泐乎大雅之遺音已先生著述甚富於吾郡文獻采掇  
尤勤手彙多不自收拾前輩鼎甫侍郎少受先生教育寶  
其遺書曩歲刊行文集于武昌使解詩則散佚尤甚片紙  
贖字手寫成帙郵寄大梁任予校勘且徵爲之序伏誦數  
周爰識所窺測如此竊謂承醜舂之流別正詩禪之單詞  
以挽後學便易疎蕪之末失而歸諸雅訓讀先生詩其必  
且慨然興起矣夫道光二十三年秋七月同里年家子錢  
儀吉謹序

頤綵堂詩鈔總目

卷一

古今體詩六十一首

庚辰至壬午

卷二

古今體詩六十八首

壬午

卷三

古今體詩六十四首

癸未至乙酉  
附六首

卷四

古今體詩四十六首

丁亥  
附十二首

卷五

古今體詩五十一首

戊子至辛卯  
附九首

卷六

古今體詩五十二首

甲午至庚子

卷七

古今體詩五十九首

辛丑至癸卯

卷八

古今體詩七十一首

甲辰至庚戌

卷九

古今體詩七十六首

辛亥至乙卯

目錄  
卷十

古今體詩七十六首

丙辰至壬戌

頤綠堂詩鈔卷一

秀水 沈叔埏 帶湖

早春天星湖上

庚辰

隔岸一舟橫  
星湖春水生  
澹煙時見柳  
殘雪不聞鶯  
舊恨高樓笛  
新愁畫閣箏  
無絲致秋浦  
攜手此同行

門前六榆樹

數畝清陰在  
臨沈艇自通  
春歸流水綠  
日出半林紅  
剗屑經荒歲  
飛錢會晚風  
門前凝望久  
十載意無窮

四月初十日作

父母惟疾憂  
人子亦有性  
貧賤苦依人  
晨昏隔溫清  
況當

遲暮年相依以爲命前宵夢母病昨宵夢爹病手足相扶  
將湯藥復交併此憂眞傷人旣醒猶恹恹有燈不可挑獨  
眠淚空迸人生只須臾三樂首重慶榮養待何時功名怕  
青鏡蹉跎二十餘可言無一行操筆欲自責何顏對賢聖  
約人同赴省試及期先我行矣改附他舟慨然賦此  
前舟望不極中路復何依閣遠因風送帆輕帶雨飛投人  
窮鳥急賦命候蟲微終遂鳴秋志安能垂翅歸

秋夜獨坐

眞成美清夜明月白團扇獨坐百尺樓天色淨如練蛩響  
乍斷續螢光復隱見疏燈挑亦勤殘帙攤仍倦忽焉清風



來入耳秋聲徧窗前仙樹枝勢欲與風戰雖經搖落餘新  
葉更蔥蒨上畱有蕢實其下草如綫有藤婁絡之宛託松  
蘿眷因之念所歡惻惻難自遣明星隔河漢咫尺不相見  
太息酒盈樽何如此高讌

寄題子陵釣臺

聞道祠堂高木末釣竿直欲拂青冥齊人尙解稱男子太  
史徒勞奏客星臯羽臺空朱鳥化雄飛基畔兩崖青後來  
縱有貂裘客彈鋏歌魚不忍聽

姓氏青雲占富春釣壇終古此嶙峋狂奴久矣無巢父天  
子居然有故人城下可歸畱片石海濱無夢擾閒身灘流

曠劫猶清泚何日乘潮一洗塵

陪抑齋先生展興化公墓和韻

貳守佳城何處尋千年長水照愁心  
提攜每預尊彝末感慨空隨歲月深  
隔岸竹竿何孌孌當門松柏自陰陰  
曾經執紼添惆悵況乃新廢擊缶吟

題半郭樓

登高假日足消憂茲是星湖第一樓  
城上月華臨檻滿浦邊雲葉入窗幽  
追隨絳帳慙高第寥落青門感故侯  
尊酒論文十年事重來風景不勝秋

偶感二絕句

此中空洞無一物，猶足容卿數百人。獨羨鄴侯三萬軸，牙籤觸手總如新。

手自鈔書手自儲，幸從次道卜鄰居。何緣得化身千億，讀盡人間未見書。

讀九辯

振觸平生宋玉情，卷書清夜幾回驚。呼童不用推窗看，總是西風落葉聲。

讀陶詩

盛年不再今餘幾，偶影疎燈坐夜分。一卷陶詩愁裏讀，方知貧士是孤雲。

國子監古槐重榮

御製詩一章命工勒石清宇

兄紀之以詩依韻奉和

太學人文地栽培荷

聖明千年槐樹古一夕舊枝榮天近星精聚陽回杖火生  
敲閒敷小葉聶處辨初萌數百行俱茂三千舍白縈春風  
吹鼠耳芘蔭及榆兄雨露恩元沃婆娑意弗呈青鸞棲夏  
好白雀集逾輕會舉

臨雍典爭傳嘉樹名

奎章懸學市版碣表周楨炳煇圍橋覩鏗鉤石鼓鳴花黃  
符卜世葉黑兆羣英赤氣同豐沛元陰壯

帝京三公朝望重百里埃氛清喬木看王國休徵驗北賢  
楷模觀遂止械樸化何宏舊拭庾郎目曾登王祐閣新詩  
堪應

制餘韻許同廣盛事儒林羨良材胄監盈何當共經席於  
此聽鏗鏗

汪貞烈詩

名桂芳

兩姓由來繫一絲驚聞訣去不勝悲遺文宛轉他生約絕  
食從容就死時庭院有花皆灑淚墓門無樹不交枝

聖朝鉅典崇貞烈綽楔長畱百代思

答胡星階

鴻閣

見贈之作

東方一士比孤雲  
邂逅逢君拂拭勤  
燈火初愁違舊侶  
雪天最喜誦新文  
柳前梅後情相得  
郭外城中月不分  
尊酒儻能親庾鮑  
笑他裘馬醉紅裙

答抑齋春雪之寄

遙憶羊羔酒送春  
動昔情昨朝先訪戴  
不必雪中行

西江古鐘歌

辛巳

宇內法物不終晦  
靈符錫瑞開必先  
汾陰寶鼎健爲磬  
光氣往往射斗躔

皇帝御極二十有六載  
西師奏凱饒歌喧  
江千古鐘應時  
出土花剝蝕苔痕  
鮮一朝劇拭獻

天子餘氣散作西江煙噲眩未及叩東序榮光早已燭九  
筵侍臣簪筆疎考訂太常博士空寥寥揚李曾聞辨宮角  
文收吹律無其傳

帝曰古鐘鐘曰鐻

宸章寵錫蛟龍纏一字直抉三禮髓漢唐箋傳徒紛然

銘辭淵懿冠萬古商彝周敦難爭妍從臣奏請兩美合配  
以特磬宜特縣功成作樂天地昭此事典重非相沿得奉  
制詞永作則神人歡洽慶蕩平嗚呼古今法物盛世出尋  
常諸福無由緣隋文遠倣十龍毀南康所獻安得存寶飾  
謂是漢魏器昭和得之幽雍間漢州江岸獲其一潭州瀏

陽相接連卽如西江地神光自古然宋武將欲征關洛靈  
鐘出自廬江之霍山豫章獲古鐘亦遊泰始年今茲

武功大耋定太和元氣銷戈鋌念封疆思武臣不聞晦朔  
聲悲激羈客悽愴西河邊明堂清廟有述作綿蕞所習恐  
未專安得寸莛一撞擊便欲摩抄石鼓太學前惟

皇道統協心德此鐘宜與泗濱浮磬相流傳

花朝口號

此日遙情誰與傳尋詩多半不成篇桃花隔岸飄紅雪柳  
葉平湖裊綠煙塵世傷心佳麗地暫時偷眼豔陽天歸來  
欲覓澆春酒羞澀空囊無一錢



天星湖晚眺

湖上春來不見花  
兩株煙柳似山家  
尋詩每向斜陽裏  
望遠依然隔水涯  
荳響紙鷺燈欲上  
巢空棲鳥樹仍斜  
未能舍此乘帆去  
一半勾留枉自嗟

拋書自笑此遊纔  
湖口嬌花鬱未開  
且復細看新柳綠  
何妨頻繞小橋來  
煙橫孤艇漁人返  
月上高城暮色催  
曾向仙祠回首望  
不勝惆悵故園萊

城上望第五兄厝所

麥飯不能備  
翻來城上望  
一棺墳壘壘  
廿載淚浪浪  
老樹仍依堞  
閒藤復滿牆  
追思同繞膝  
只有白眉良

國朝詩話卷一  
少小爲兒戲相隨竹馬場君年雖少長死日判中殤資性  
憐殊絕音容想故常幾時從夏聖纔一慰愁腸

蘇臺柳枝詞二首和陸學博韻

津頭楊柳麴塵絲記得春風倚權時欲問吳宮無處所一  
渠煙水綠差差

見說新條卽舊條繁華回首暮煙消荒臺一片西江月不  
是揚州廿四橋

又和兩首

柳花如雪柳如絲正是行人腸斷時一簇采香涇上樹相  
逢春燕影參差

深淺花枝長短條花紅柳綠恨難消  
停橈試聽蘇臺曲一水回連宛轉橋

春遊雜興

出郭看花心事違紅香綠影見應稀  
東風不忍吹愁去流水相將帶恨歸  
春草郊原遲客路夕陽山寺照僧衣  
羣芳不與東君事開落無人論是非

赴湖州

深柳疏花三月時汀洲春草綠離離  
平生杜牧嫌輕薄不道尋春去校遲

客湖州

一櫂來苕霅誰移李郭舟野航人卻受深夜月同遊不寐  
聞漁唱忘機似海鷗平生飄泊意已分荻蘆秋

登湖州郡城

菰城一以眺山色有無間遠水日邊盡平原人外閒牧人  
驅犢上蠶婦採桑還誰復憐詞客登龍此共攀

家兄以愛酒不愛花索和

人情對酒喜看花折罷花枝醉酒家君若無花空愛酒芳  
園桃李向誰誇

送別

行李諸君乏困無故人此意亦區區貧交自古難爲別嫻

娜風帆看入吳

送春

不關離別自銜悽獨立蒼茫折柳隄無復曉雲飛白鶴乍  
聞夏木轉黃鸝落花愁緒俱無數流水年華不可稽惆悵  
送春如送客可堪讀易小窗西

雨後小園

雨後園林衆綠生相將拂石午風清竹間共有攀嵒志極  
下甯無慕陸情身世浮沈欣所遇文章瀟灑羨相成明年  
去作雲中鶴何用空畱抱甕名

畱別陸學師

兩句雲亭錄別詞借來今日別吾師人生難得惟知已天下傷心是別離此去江關千里遠相違文酒一年遲臨歧怪有無窮淚難忘思深侍坐時

午日

依然寂寂子雲居熱客閒門枉駐車數顆青梅相對酒鵲聲不斷午風初

雨中聞笛

梅雨小窗中兼之一笛風淒涼思舊事嘹唳徹遙空爲汝清愁劇懷人吾道窮數聲如和答五日落梅同

輓張浦山先生

先生三絕畫書詩處士聲名天下知  
坐我春風無幾日驚聞月犯少微時  
丹青不買通靈筆寢臥空餘碧落碑  
更有何人精選理素帷瞻拜想容儀

秋日同人登顧野王讀書堆

行行野田中朝露霑鞵屨卻望顧節墩  
登高宜作賦秋稼多子雲稻畦少安步  
有友南仲廢半途有弟通濟導先路興劇

決獨往畧似寒裳渡謂可振我衣不爲  
干仞赴高臺一以

眺霽色出寒霧耽茲人外閒蕭然足野  
趣望遠雙溪流覽

古六朝樹俯仰覺身輕攜友王德明欲小住鄉賢多遺跡時

俗傳者錯徐灣與呂冢往往相景附梁陳得妙士江陸同

新句大節談何易誰獨責之顧東泖顧書堵亦稱讀書圃  
平林野王居荒草野王墓黃門武原人迹豈吾鄉互紫衣  
而金魚花宮至今護水際有古碑磨滅猶可據太息暮槿  
落往事堪誰語後來顧山人同里更追慕卜宅舊書墩或  
以雲仍耐嗟余雖秋士小年頗傾注鄭公經喜研虞卿書  
屢著潦倒尙無成知坐儒冠誤遠祖亦鹽產十世失其故  
不識沈氏山可畱著書處蕭辰冒寒來幾蹈泥塗汗目極  
增慨慊幽情暢遐寓初日尋高林悲風逐荒戍浮圖煙際  
蘊涼雁天邊翥歸遶飲馬池低徊不能去

吳山遠眺



十月吳山路登臨思不羣音塵千里隔吳越一江分窮鳥  
栖何所飛鴻響乍聞無端懷遠意煙靄共氤氳

苦雨行

孟冬之月水泉涸豐年膏澤知無餘往常此節足霜雪寒  
氣凜凜寒風徐今茲霖瀝成川澤無乃玉律乖其初散絲  
作網罟欄漚青苔及楊連階渠坳堂有水鱸自來方知多  
雨能生魚旅人看雲阻長路騷士把卷愁離居坐對寒花  
抱枝泣眼看落木攀林噓雕鶚凌空翼未矯蛟龍徙窟鱗  
仍舒生憎商羊與黑蜮坐使白襲成沮洳春秋書雨別勤  
閔後世喜雨猶堪書今雨况值祁寒始謂之苦雨甯非歟

不苦泥滓我馬窘我車所苦連莖合穗盈苗畬玉山之禾  
瓊瑯稻農夫未穫將何如唐風歲晚歌蟋蟀今我不樂日  
月除幽風力穡頌黍稷我稼旣同罷耘鋤載筆欲廣愁霖  
唱嗚呼農夫未穫將何如

和弟霽雪之作

積雪唯高臥關門忽喜晴長林風未靜遠水日初明酒向  
冰簷迸梅從玉笛生欲將懷抱豁何處座堪傾

孤山探梅和滌川韻

壬午

裏湖外湖如雙湖孤山雖連勢則孤東風吹我來山嶠老  
梅幾樹何清癯雅人久與梅相須春寒雨雪猶沾濡峯回

路轉行徑紆探花不問花有無有花且免山容枯無花清  
氣留芳膚樵鼓似聞于蔦于尋幽莫趁黃蜂鬚憶昔蠟屐  
仙筇扶而此不到獨媿吾此遊澹蕩忘日哺雙湖有客栖  
菰蘆側身懷古重踟躕蹤跡已分逋仙殊逋仙舊與梅花  
俱梅花開日歸來乎

雪後觀西湖放閘用巧字全韻同 召試諸君作

春水何涓涓霽景出稍稍榜人宗無譁津吏戒勿擾我來  
歲在巳星回日中昴小決相促迫大放莫阻撓嵌竇已泄  
灑決渠非注泐蛟龍鬱飛翻賁獲鬪傑狡千丈落愈強萬  
斛湧尤巧屈注潢剡剡爭流壑膠膠龍門擬脫筭魚山陋

牽芙蓉氣盛雲夢吞勢迅霜刃敲拋擲露鼇脊破碎遭鷹爪

披詩西湖

忽破碎

連艘風捲帆突騎星纏鉸觀漏箭屢登射潮矢豈

拗近照摩尼珠遠映金華瑤香車斷繁吹雷鼓駭單絞高  
屋此建瓴浮梁誰拄筇石跡巨靈胡湖光美人姣且縱魚

闖泮那容客來茆壯觀身未經驟聽耳欲飽肌漸生瘳瘳

心轉豁祇攪夜迷道家申晝失玉女卯舊遊逸似周

省齋集丁

酉二月二十日同部中諸公遊下竺御園坐枕流亭觀放  
開桃花數萬隨流而下斷至集芳園因有萬點紅隨雪浪  
翻之新望盈如鮑窮薄輕波濤忠信凜蠻獠故里憶杉青

迴腸日煎炒

桃花飯歌

并序

余客吳山主人飯予粒粒紅色粲然可愛余因以

桃花飯目之作長歌畱贈

雨雪來吳山栖遲日復日深感主人賢館我芝蘭室授粢  
誼獨敦每飯必精潔朝來覩盤中白紅兩奇絕笑問童子  
莫能對轉索枯腸與稱述我聞太邱香稻數紅蓮今非其  
種有其質又聞太倉之粟紅且腐詎可秕糠比穎粟昔時  
種穀有仙人或者餘糧畱太乙新炊赤米閒黃梁卻謝青  
精餐紅粒不染棟葉和榕枝遠勝竹根并松屑紛紛菰米  
及楊桐乞與腐儒作麤糲凝睇淑姿呈咀噍至味出半面  
嬌嬈賽小桃十分香美逾崖蜜一口五口滌煩疴三飯再

飯愈愁疾琴堂美事粥蘭香風致庶幾同豔逸醪醑粥苻  
藥羹左右亦可借芬飴五色餅五色糗病婦陳人在哀鬱  
佐以桃花鹽琴湖盈縮空隨月蘸以桃花酸李唐風俗詎  
消歇文窗夏糊桃花紙窗外桃花相映發初非雲子與月  
華空羨清風共白石碎金藉以誇越公伊蒲姑免分香積  
冷笑安胡析酒醒曾進胡麻對仙帙飴法非無烏飯方食  
經只有朱衣匹憶昔餐脫粟無殊食糠麩飯與糲飯貧  
家稱故物今來噉此桃花飯淨眼訝非煙火食主人殷勤  
勸加餐意欲使我好顏色我笑語主人此豈有異術那有  
龍耕與鳥耘依然春稼暨秋穡稻非不周瑯琊產禾豈元

山玉山殖精瓊靡兮屑瑤蕊環邱之粟何可得主人笑謂  
我不須徵故實此鄉諸暨稱往往闢霞艸君特未見落杵  
時光輝灼灼團宮纈我今游息西子湖餐秀竊取阿麼說  
分甘聊飢鳳皇飢爭食何論駑駘拙且將一飽慰飄蓬聽  
我長歌飛彩筆

樹人堂觀栽梅呈緘亭先生次韻

春風習習坐上吹譚口懸河向空瀉健步初從晴昊移老  
梅一株正低亞清芬最要花占春颯灑不須雨消夏南枝  
北枝能白紅蓓蕾冰開日光射先生索笑偶巡簷邛竹方  
袍自閒暇明月時看張八來酒杯那許劉四罵長晝閒翻

種樹書與酣卻臥讀書架牙籤萬軸逾鄴侯傲兀肯從祕  
閣借花間覓句聊自娛不問花開與花謝花開共醉豔陽  
天花落同遊美清夜門生列侍數花鬢紛紛屈宋堪方駕  
我亦新從問字來欲移硯席梅花下

卽事次盛子與唐秀才論文韻

舊是論文侶交疎別亦多一燈違故里兩槩共春波我賣  
黃金賦君裁白雪歌相逢更傾倒只合醉亡何

卽事

羈栖聊借一枝安客裏傷春強自寬臥看小山唯隱几閒  
聽長雨復憑欄儘餘秃筆橫空埽那有焦琴對俗彈料得



舊鄉殘雪後梨花庭院興都闌

旅次口號

冰雪棲遲借一枝蕭寥猶可賦吾詩思親愛日寒逾追憶  
弟看雲夢亦疑花樹休教忘手植湖山故可締心期結鄰  
倘遂三椽約卜築無逾此地宜

余頗樂其幽致爲  
手植紅梅兩株

雪匯十詠

雪消春水生環匯流碧玉誰當洗其耳未可濯我足

環匯

清流

堤上綠陰成如帷復如幄遠近種樹多扶疎到屋角

繞堤

綠樹

雲英化爲水霞碎散成綺飛橋臥夕波人在反照裏

虹橋

夕照

城闕幾人家霞明望如霽曉風吹不散飛上丹樓日

雉堞

曉霞

東園十畝閒陰陰桑柘溪午聞雞聲林隙有茅舍

東園

桑蔭

南圃何所有琅玕一千個問誰風雨夜秋深此孤坐

南圃

竹聲

數點春鉏飛微茫水田裏浴罷惜毛衣風標貴公子

水田

浴鷺

渡頭見落日漁父櫂船出得魚相招呼楊柳橐一一野渡  
觀漁

高林藏古寺初日照曖曖仙梵不可尋鐘聲度花外  
古寺  
疎鐘

秋士夜無寐鳴鶴聞枕畔情知警白露聲已徹清漢  
秋宵  
唳鶴

城東看牡丹和滌川韻

愁人萬點飄殘紅穀雨一候催暄風營營走逐看花客街  
西不足來街東小庭深院好顏色看花卻稱游蜂得邂逅  
何曾問主人花應笑我不相識芳鄰更有少年子花師種

花亦羞比鞦韆紅一朵我所愛撲撲晴香枝未哆過橋草色  
連雲碧行傍流鶯覓園宅叩扉瞥見一欄花無棄蕉萃令  
人惜佳辰祇合酬茗芋差勝無花空對影春盡行看花事  
闌夜深知共月華冷誰歟栽花東塔傍老樹著花枝出墻  
老僧謂是百年物日夕遊人應接忙數苞紅萼生光采似  
待我來抽豔蕾相逢未信色是空到此始覺花如海衆人  
之愛胡足奇禪門氣味誰能知寺後野庵分數本遂令遠  
近誇妖姿竹間水際重去聲喚渡酒壚半醉歸扶路詩成遙  
致金鳳箋欄鈴莫遣狂風妒

寄懷古香亭主人

旅食相憐歲月虛吳山春色到階除主人羸落休官後客  
子淒涼獻賦餘一別池亭應更好新栽花木定何如歸帆  
自笑多匆遽雙鯉飛來爲借書

頤綵堂詩鈔卷二

秀水 沈叔埏 帶湖

送春追和子由韻

韶景應知不可追，娛人且欲泥清暉。  
園鶯久住渾相戀，梁燕多情肯獨飛。  
惜別乍揮游子淚，窮居永息丈人機。  
年年相送知何極，與較尋遲悟昨非。

春日田園雜興追和月泉吟社原韻

常將耕鑿託

熙朝韶景流連日，漸遙田作多辛。  
催僕種園花未午，課童澆春風倚杖過芳甸。  
綠水迴船傍野橋，與逸郊居猶可賦。

身甘谷隱倩誰招

過水西寺

偶登爽溪橋望見招提境言尋風光樓樓圯空樹影更訪  
大中亭亭荒草色冷破寺門不開溪水照人靜渺渺思前  
朝遺蹟足遊騁帝子閣長在裴相祠猶整隆準瞻御容飛  
白壽毫穎鄰有水陸院禪燈照高岡迤邐學宮前堂皇互  
引領朝昏弦誦聲清梵遠相併兵燹百餘年邠邑樂清喬  
勝概邀難尋歸存已厚幸古瓦被風捲壞墻遭雨打鐘磬  
久闕寂旛幢闕閒覲龍象胥游塵花木棄漂梗殘僧行負  
薪居民汲寒井我來非一朝每見默深省小憩石壇高徐

行蘿徑永情知異宣州聊復得幽景時無新公逸

成原常題水西

爽溪樓寄新長老有新公遊作爽溪遊句

詩爲李白逞朝飢隔山廚摩挲愛松

瘦亦欲聽殘鶯過橋立俄頃

劉基有水西寺東樓曉起聞鶯詩

### 過祥符寺

禪院鄰水西遺宅魏公捨傳自興甯間此焉講般若經過  
路欲迷徙倚殘碑下老鴟出疏林蒼鼠竄破瓦墻陰遶徑  
深潭影向空瀉亭午不聞鐘此意轉瀟灑

### 東塔寺松梵山房水閣偶題

禪房臨碧水可以賦新詩檻靜游儵見簾疎乳燕窺竹林  
千蘿亂樹杪一帆移更有會心處風鈴不語時



葑亭二兄歸自任城相見花下回憶去年錄別時正  
薔薇盛開也爲訂載酒看花輒以小詩先之

滿架薔薇照酒卮去年正是別君時蘋洲擢遠情難遣日  
觀峯高夢亦隨自笑摩空能作賦何如卽次共題詩相逢  
又值花開日判倒金樽醉不辭

東塔寺水檻再題

檻外長流漾碧漪每來卻值水清時閒簾誤喜春風在隔  
坐吟看古木差我輩自多濠濮想同人雅與苾芻宜粥魚  
齋鼓消長日有約重來下釣絲

玉雞小窗卽事

小窗坐梅雨可喜是清陰  
鳥蹴餘花落人披斷簡吟  
漏痕童所學屐響客來尋  
清絕眞無那誰歟酒共斟

三題東塔寺水閣

鐘梵此俱寂扣關聞讀書  
小橋春水後高樹午風初  
客子驚嘶蛩僧雛解釣魚  
談禪無處所翻覺意如如

虛堂

北戶輕涼度虛堂薄暝侵  
螢光開復闔蟾影淺還深  
歲月窮生計雲山絕遠音  
鄰人夜吹笛爲我寫愁心

首夏登太清樓偶題

曲巷猶傳古市心登樓纔  
一暢幽襟風前鳥雀當窗  
噪雨

後梧桐滿院陰筆格籤厨隨意置藥鎗茶竈絕塵侵空堂  
悵望詩人去松月誰來話夜深

樓下有樂開堂松月軒  
前輩王穀原臥病于此

### 飢

可歎無常業飢來不厭頻三旬多暇日一月少良辰乞食  
饒新句加餐負故人羨他雞鶩飽已分土常貧

### 首夏同葑亭啟宗遊選勝庵偶題

縱棹來尋水竹居舊遊回首十年餘孤僧病瘦稀聞梵浮  
客情閒此讀書無數野花開爛漫依然夏木繞扶疎隔籬  
一片南湖色淵映亭邊落照虛

### 口號贈張穀孫

別墅過逢憶小年君家兄弟正差肩餘波綺麗推前輩一  
代風騷有斷篇述舊不畱吟地在消愁且向酒壚邊父書  
知爾能勤讀遠道看雲何處眠

令兄時  
客清江

新秋天星湖上

晚涼纔得趁西風湖口延緣一逕通雲影潛移秋水上笛  
聲吹徹綠陰中小橋路狹扁舟杳半畝園蕪舊竹空未卜  
移居且閒步寒花知戀主人翁

栖霞嶺

峯霞拂面來望路客先回野徑盤紆入殘陽窈窕開僧鐘  
候谷口樵子語林隈指點將軍墓泉聲向夕哀

金鼓洞

縹緲步虛聲金堂咫尺迎雲銷幽壑迴日落衆山橫洞裏  
花長發秋來景倍清梯苔拾級上導我一僧行竹露沾衣  
淨松風拂坐生爲糧餘白石淪茗就澄泓已愜巖中趣眞  
饒物外情神丹儻可得乞取玉盃盛

用沈  
義事

曉起

一夜不能寐披衣起浩歌隔離人語少高樹雀聲多落落  
星猶在暉暉日乍過晨朝無箇事我意欲云何

過協亭小飲詩以謝之

門外清灣剝啄幽坐中佳客往來稠鶯花過眼經年別文

酒論心竟日，留月出纔催歸路。近風來卻趁，袷衣柔吾曹。  
偃蹇俱如鶴，誰分蕭閒欲狎鷗。

新秋重過吳大博如學舍，偶得數絕句，因題于壁。

蟬聲不斷綠陰稠，茗宴招尋竟日留。  
羨爾園林饒野逸，新秋煙景似深秋。

雨後梧桐滿院涼，翠藤叟絡昔耶長。  
何時借我三椽屋，穩放桃笙臥月光。

草色自饒生意在，林霏不放曉陰開。  
殷勤更有西湖約，好對雙峯共舉盃。

采菱詞

取次潭花發鏡中環洲擢影亦玲瓏有心終倚天邊月不  
逐垂楊水面風

縈波葉爛雨經時白點花中雙角垂記取相當復相對四  
三數去便參差

不將珠腕傲蒲姬縞袂青裙到處宜勸蓄爲蔬持作飯江  
鄉風味幾人知

近憶遙懷併一時秋心不那亂如絲水衣荇帶無情思也  
學泉花罥雁兒

秋杪城上晚望因憇壽峯禪舍自冷仙亭繞星湖而  
歸次五有詩次韻

我從西冷歸卽目感離索無人送酒錢狼籍搜筆橐偶作  
城上遊涉趣等重嶼下瞰萬人家周觀七里郭商飈振林  
莽頽陽澹蘅薄音息隔所思煙雲相粲錯柳邊孤榜停天  
外一鴻落對此足開襟俛仰極寥廓飄飄桂花風掠地捲  
輕蕙望望協律祠黃葉滿籬腳跳壕惜未能披徑轉驚愕  
林際簷不殊池上路已各殘僧解迎客精舍知何若自煎  
竹裏茶纔荷桑中鏤引避雨壞牆爭攬霜破萼微微禪誦  
聲靜氣涵沖漠咫尺未有見經過始鑿鑿仙郎我鄉賢芳  
蹤剩高閣側徑繞墻陰暝色聚簾箔翹想學道初亦云爲  
善樂遊人暮夜金飢腸憫藜藿至今劃壁處一水橫小約



國朝詩話卷二  
遺構幾百年長空杳歸鶴嗟我亦貧士孤雲久無託不憚  
入山深青衫易芒屨復此憩亭軒元談悟飛躍層樓躡清  
迴空階步閒綽綠莎咽寒蛩古木噪飢雀霞想坐蕭條雲  
情添落寞回首六橋邊歷歷畱谿壑移家祇一權泊宅漫  
恢拓何爲戀故塵生計竟焦涸

秋試被放口號

十載青袍已誤身今年下第倍傷神文章未得登朝籍薪  
水依然累老親有句哭花花哭我無錢中酒酒中人茗華  
莫楚平生恨漫說清時擬不倫

星湖晚眺和次五韻

西風楊柳舊沙汀極目城隅有野坳水色尙饒秋後碧天  
光不斷晚來青隨人活計皆浮梗笑我孤蹤似打萍此際  
繞籬增別感可知名士半飄零

疊和

花枝無復映長汀屋後登高苑在坳湖面一奩秋鏡白樹  
頭幾片暮雲青家園已作隨風擗身世何殊逐浪萍早晚  
來遊非故我巾箱話舊涕空零

寄懷趙珍兄弟

邂逅逢青眼相於愜素襟幾宵同酒盞遲日憩園林兄弟  
詞華並交游道義深論詩精選理談藝有遺音幸覩眞聯

壁須知利斷金窮途堪倚賴投分判升沈暫蹶騰霜足仍  
懸捧日心歸帆多造次別路那追尋明月思顏色層雲阻  
盍簪曠亭梅鶴在應許狎微吟

晚過東塔寺追和西樵先生

勝遊問東塔古寺說南朝煙樹團青靄風鈴響碧霄暫來  
耽野趣少憩隔塵囂望望連畦曠行行一徑遙僧房俱俯  
水佛屋自通橋吹絮游鱗淦護巢歸翼翛峯明光欲放池  
塹色都消山影清分竹牆陰綠上蕉壠邊思舊宅木杪見  
孤標貝葉繙經閣龍樓結綺寮地殊瑞雲現迹比爽溪超  
尙憶天花散空憐王氣銷幡幢何寂寞絲仗此招要

每歲  
立春

前一口於此發春

花事行看盡

寺有牡丹一本最大

朋簪夙枉邀

時家玉崖都講于此

屢欲往就讀書不果

宵鐘移硯席，粥鼓稱簞瓢。彌勒堪相伴，闍黎豈

自聊。前賢來得得，往躅遡迢迢。歸路懸新月，題詩逐迅麕。

梵宮經屢造，蓮社更誰招。節候催絨扇，懷人緬采蕭。

結用朱長

史事

北麗橋停舟待發

時將之盱眙

亦知非久別，且復住斯須。舅弟情無極，交親語不殊。魂飛津鼓動，意遠客帆俱。橋下東流水，奔湍解送吾。

舟夜

雲帆離泊處，漸覺北風遒。臥剩姜肱被，仙殊郭泰舟。聲喧

湍水急語共蠟燈幽望望吳江近津頭發權謳

曉過太湖

十年如昔夢復此汎舟時踏浪危方始乘風志可期帆從  
天外落山向望中移終遂朝宗願歸趨任所之

夜宿閶門

重來倚棹閶門城行理蕭然百感生花柳幾年縈別意更  
籌一夜動離情故人相見皆吳語南雁分飛尙越聲猶是  
白雲回首處如鈞新月傍船明

王江涇

西市當年殺二忠

二字出文山集

可憐難掩破倭功至今嗚咽聞

溪水猶是聲聲恨賊嵩

舟中與客談唐六如事

舊遊空憶桃花塢才調縱橫一世豪莫笑書生無膽畧伴  
狂早已識宸濠

墓門不遠滄浪水保障休將開府嘲捧節擁旄今幾許憐

才誰復到衡茅

宋牧仲撫吳日吳人有澄清海甸滄浪水保障東南伯虎墳之嘲

夜過錫山不得上

平生寤想屬煙蘿第二泉邊艇子多太息緣慳幾兩屐好  
山空向夢中過

毗陵

臨風縱棹獨夷猶兩岸垂楊拂畫樓  
平底船行如屋裏常州景物似蘇州

渡江至廣陵次家二聞 永義韻

三山遙見一峯高隔岸紅船密似初  
曉色初分京口樹寒流直下廣陵濤  
兼程天幸將風送望遠誰猶念我勞  
二十四橋須細訪早聞鴉鵲噪空壕

策蹇曉行

鄉夢猶未返僕夫催去程垂鞭長耳疾  
鞞鞳一身輕草際清霜色林端鶴雀聲  
還如灞橋上詩思雪中生

天長道中

不見臨淮郡人煙望更縣村莊逾十里城市廟千家漸覺  
輪蹄少聽談獄訟諱無能辨牛舌令我憶南衙

色孝  
肅事

盱眙覽古偶成長句兼以畱別

策蹇行吟到獨遲都梁已分此身羈詩材舊壓歐陽子露  
版會馳沈羨之

宋沈  
璞

旅處關心空復爾英雄奮迹亦於斯

征衫灑盡窮途淚日暮涼飈古木悲

磷磷滿路小車聲饑走荒塗骨亦驚鴻水餘波猶在眼禿  
山如赭僅爲城縣官清儉桑麻少客子淒涼涕泗橫明發  
又尋淮浦樹兩宵於此聽疎更

都梁山望泗州城故址土人云久沒于湖矣



極目鴻波浸太空眞教化鶴詫丁公  
公猶宿豫誰能辨石塔巍然在水中

由旰之淮途中偕家配之

九齡

同行口號率贈

千里相逢笑語溫鄉情宗緒接清樽  
寒風並轡滄江路霜月俱眠黃葉邨  
山隔都梁身獨寄水流淮浦泪雙痕  
塗窮深仗扶持力同姓由來古所敦

漂母次家二聞韻

一飯千金此水陰至今貧士感尤深  
無端喚出王孫字猶是當年蒯徹心

淮上次家聖勦韻

欲借清淮刷濁河須知堰堰力偏多人家大半如巢燕太  
息河隄使者過

淮陰客舍口號寄懷次五

落羽分飛骨亦驚

用孟浩然詩

孤蹤茲復寄淮城雲山南望空

千里鞍馬西來又幾程辛苦藏書都付汝飄零異夢不勝

情

疇昔之夜夢歸語汝行路之難

支持門戶原非易早晚移居好寄聲

淮堧旅舍同家配之作

飛鳥依人失故林竭來旅食又淮陰簡雲未展空羣足

將時

北捧日虛懸國士心門外帆檣看歷歷路有駟騎走駸駸  
相於此際敦同譜漂母遺蹤試共尋

百丈嘯喚徹夜聽鄉心無那隔長汀夢中四壁家何在江  
上三山路乍經獨樹驚鷗臨別館清流明月照離亭連牀  
愁煞西泠客語次湖山似畫屏

纔辭驢背走荒塗望遠頻經川澤肝

自肝之淮沿洪澤湖而來

打鼓發

船吟共越吹簫乞食市同吳海雲漠漠身如寄淮水湯湯  
淚與俱旅邸蕭條無箇事移書千卷亦堪娛

故人誤我走天涯水驛山程路漸賒際曉征鞍衝霧雨凌  
寒野店燦霜華傷心泚上孤帆色搔首城隅舊釣車賴有

雲天高義在終教貫斗沉靈槎

時賴山左姜君資我之濟

逆旅窮塗得遇姜大鼎臣

鑄道義投契資我北行聽

其言皆仁義之言也小詩奉贈用志傾倒

旅邸論心共夜分感君高義薄層雲策名最羨春秋富

登

酉武

鄉榜奉職難忘夙夜勤

押運南往

我亦生平敦古處誰能邂逅

重斯文贈言字字皆金玉吾道干城賴有君

自濟州之大梁留耿都閫署中復數日瀕行誌別情

見乎辭

狂走三千里寒風又浹旬崢嶸殘歲迫跋涉畏塗頻海內  
皆兄弟天涯卽比鄰無能報厚意感激涕沾巾

問我何爲者嶽崎歷落人浮萍茲已慣汎梗暫相親燈火  
連牀好風霜寫景新征軺勞苦極明發及良辰

偶感

四野連天闊，狂風著面吹。  
人今流草似，意共暝雲遲。  
狡兔營三窟，栖烏戀一枝。  
如何靡所騁，前望益淒其。

河隄寫望

望裏蒼茫暮色催，奔流猶帶斷冰來。  
歲修槌石枯蘄集，地息隄絲故柳栽。  
滾滾塵沙無處避，紛紛鴨雀不須猜。  
何當天上浮舟坐，星宿源頭探幾回。

贈人

先生佐幕多高致，茗宴爐熏事事宜。  
明月往來虛室夜，寒花開落膽瓶時。  
吉人藹藹交方始，書記翩翩道不卑。  
謬許

論文共尊酒渾忘蹤跡寄天涯

河上卽目

土屋茅檐借一塵不辭還往大河邊  
風帆歷歷心空遠木葉蕭蕭景轉妍  
每望鯉魚思錦字時聞鴻雁撫瑤編  
回翔喜值安瀾後放眼渾忘路幾千

寫愁

塵土緇衣見未曾家山空復愧孫登  
天邊雁字思昆弟水面魚書望友朋  
斷梗飄零身共寄靈查縹緲事難憑  
酒兵不遣愁城破餘事誰云我力勝

楊橋官舍口號

潦倒慙無佐幕才鄉心遙逐片雲回  
偷閒行笈開書裘侵夜圍爐共酒盃  
繞徑花枝餘積雪隔街車騎走輕雷  
早春何處尋芳去懷抱還應得好開

胡家屯卽事

旅處任遷移河流暮景馳  
持籌闕國計擗管動鄉思  
此地牽菱屨平隄列堡卑  
納隍存素抱尊酒洽心期

館夜

輕裝隨意住河麋燈火熒熒睡獨遲  
土屋蒲簾人語靜照愁新月又如眉

約同人遊廣武山

三冬文史付閒關  
性僻何辭跋履艱  
下馬看碑戰場古  
此來只合爲遊山

河上佳齋

眞成得鉅觀  
遠抱一時寬  
雪後流斯急  
風前盪日寒  
歸帆向天末  
飛鳥滿河干  
親舍知何處  
微茫對碧巒